



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. III. Vtrum peccatum veniale in homine justo habitualiter referatur in Deum?

[urn:nbn:de:hbz:466:1-77355](#)

proprium bonum diligitur contrariè plusquam Deus; cujusmodi sunt illi qui ex propria ratione habent excludere à subiecto gratiam & charitatem, ac sicut in bono proprio privativè: alij verò, qui quantum est ex se gratiam non excludunt, quamvis terminentur ad aliquid dilectum plusquam Deum negativè, eò quòd in illo sicut, non verò in Deo, non sunt tamen peccaminos, quia non excludunt quantum est de se maiorem Dei dilectionem, sed ab ea præcindunt, nec sicut in bono proprio privativè, sed tantum præcisivè, ut dictum est.

§. III.

Solvuntur quedam instantiae.

CONTRA principalem solutionem, quā diximus bonum proprium & privatum, ut connotans privationē gratiæ & charitatis, esse finem ultimum peccantis mortaliter, quedam possunt fieri instantiae, quas breviter hīc proposuemus ac dilūemus.

67. In primis objici potest, quod peccator, qui dilit amicum amore amicitiæ, ipsum non dilit sub ratione boni proprii; alias cum non dileretur amore amicitiæ, sed concupiscentiæ: Ergo non referit omnia quia agit in bonum proprium tanquam in ultimum finem.

Secundò: Finis ultimus peccatoris debet opponi fini supernaturali qui est Deus, & excludere relationem ad illum: Atqui bonum proprium in tota sua latitudine id non habet, sed tantum bonum inordinatum ut sic: Ergo non illud, sed istud est finis ultimus peccatoris.

Tertiò: Ultimus finis peccatoris debet aliquid superaddere ultimo fini in communi, per quod peccator à justis discernatur: Sed bonum proprium nihil videtur addere suprà rationem ultimi finis in communi, per quod peccator discernatur à justo: Ergo &c. Major patet, Minor probatur. Bonum proprium in tota sua latitudine non habet maiorem determinationem, quām bonum satiativum proprii appetitus: Sed bonum satiativum proprii appetitus est ipse finis ultimus in communi, in quo convenienti jūti & peccatores: Ergo bonum proprium nihil superaddit ultimo fini in communi, per quod peccator à justis discernatur.

Denique arguitur: Aliter debet assignari finis ultimus existentis in mortali peccato, ac existentis in puris naturalibus absque peccato & gratiæ: Sed finis ultimus existentis in puris naturalibus esset bonum proprium & privatum: Ergo illud non potest esse finis ultimus peccatoris.

68. Sed hæc levia sunt, & ex fundamentis supra statutis facile dilui possunt. Unde ad primam instantiam, nego Antecedens: amicitia enim, nisi sit charitatis, quæ ex amore Dei ortum habet, semper oritur ex amore sui ipsius, & omne bonum quod appetitur amico, ordinatur ultimè ad bonum proprium appetitum: propterea enim amicus vult amico bonum, quia est aliquid sui, seu portius quia est alter ipse, iuxta illud communne effatum, *Amicus, alter ego.* Unde Aristoteles 9. Ethic. cap. 4. ait: *Amicabilia ad alios ex his quæ sunt ad seipsum profecta esse videntur.* Et cap. 5. *Amantes amicum (inquit) id amant quod sibi ipsi est bonum: vir enim bonus factus amicus, bonum fit ei cuius jam est amicus; uterque igitur & id quod sibi bonum est amat.* Quæ ver-

Aba ita exponit S. Thomas ibidem lect. 5. *Respondeat cùdā objectioni tacita, dictum est enim supra, quod unicuique est amabile quod est ei bonum: contra quod videatur esse quod homo amat amicum ipsius gratiæ. Sed ipse responderet, quod illi qui amant amicum, amant id quod est bonum sibi ipsis: nam quando ille qui est bonus in se, est factus amicus alicuius, fit etiam bonum amico suo. & sic eterque dum amat amicum, amat quod sibi bonum est. &c.*

Ad secundam, concessa Majori, nego Minorē: nam licet bonum proprium absolutè & secundūm se non excludat relationem ad Deum, nec ipsi opponatur, benè tamen prout connotat privationem gratiæ & charitatis, qua est in quolibet peccante mortaliter, ut ex supra dictis patet.

Ad tertiam, concessa Majori, nego similiter Minorē. Ad cuius probationem, nego Majorē: aliquid enim superaddit bonum proprium, quod non importatur in ratione boni satiatiū ut sic, nempe quod latet ut perfectio naturæ aut suppositi appetitum, & tanquam bonum ordinatum ad ipsum appetens sicut ad finem Cui, ita quod proprium suppositum sit quasi regula & mensura talis boni, ut supra exposuimus. Hoc autem sufficit ad hoc ut bonum proprium constitut in peccatore finem ultimum particularem, distinctum à fine ultimo justi: nam quamvis finis ultimus justi comparetur ad ejus voluntatem ut satiativus, non tamen per modum perfectivi ipsius appetitum, & tanquam bonum ordinatum ad ipsum ut ad finem Cui, eique comensuratum, sed ut propria perfectio alterius naturæ, scilicet divinæ, quam proinde perfectionem appetit & ordinat ad suppositum in quo est talis natura, tanquam ad finem Cui: quia in justo præter propriam naturam reperitur gratia, que est participatio divinæ naturæ, & charitas, que est talis naturæ appetitus seu inclinatio, que inclinat hominem ad bonum proprium illius suppositi in quo est talis natura, scilicet Dei, ut supra declaravimus.

Ad ultimam dicendum est, ultimum finem hominis in puris naturalibus esse proprium bonum præcisè secundūm se, non connotando privationem gratiæ, sed simplicem ejus carentiam & negationem, atque adeò neque includendo, nec positivè aut privativè excludendo relationem ad finem supernaturalem, sed omnino præcindendo ab ea: in quo satis distinguuntur à fine ultimo peccatoris, qui (ut suprà ostendimus) prædictam relationem positivè excludit, cùm in obliquo & de connotato gratiæ privationem importet.

E

ARTICVLVS III.

Vtrum peccatum veniale in homine justo habitualiter referatur in Deum?

CERTVM est, peccatum veniale, ut tale est, 69: in homine justo, nec actualiter, nec virtuiter posse referri in Deum; cùm Deus in generi cause finalis non moveat, nec mouere possit ad commitendum quodcumque peccatum: unde solùm difficultas est, an possit referri in Deum habitualiter, & de facto in illum referatur in homine justo?

ppp

Tom. III.

Partem negativam tenent plures ex Recentioribus, non valentes concipere quo pacto id quod revera Deo displaceat, sicut displaceat quodcumque peccatum, & quod ab ipso ut primo principio nequit procedere, possit aliquo modo referri in ipsum tanquam in ultimum finem. Nihilominus

70. Dicendum est, in aliquo vero sensu posse affirmari, peccatum veniale in homine iusto, habitualiter referri in Deum. Ita docet S. Thômas variis in locis: nam hîc quæst. 88. art. 1. ad 2. ait: *Veniale peccatum non excludit habitualē ordinatiōnē actū humani in gloriam Dei, sed solum actualem; quia non excludit charitatem, qua habitualiter ordinat in Deum.* Et in solut. ad 3. dicit quod ille qui peccat venialiter, inheret bono temporali, non ut fruens, quia non constituit in eo finem, sed ut utens, referens in Deum non actum, sed habitu. Eandem doctrinam tradit 2. 2. qu. 2. 4. art. 10. ad 2. his verbis: *Quod amat in peccato veniali (intellige à iusto) propter Deum amat in habitu, et si non actum.* Et in i. dist. t. qu. 3. art. unicò ad 4. *Quamvis (inquit) ille qui peccat venialiter, non referat actum in Deum suam operationem, nihilominus tamen Deum habitualiter pro fine habet: unde non ponit creaturam finem ultimum &c.* Denique qu. 7. de malo art. 1. ad 4. reddens rationem cur iustus peccans venialiter non fruatur creaturâ, nec constituit in ea finem ultimum, sic ait: *Dicendum quod ille qui peccat venialiter, non fruatur creaturâ; refert enim eam habitualiter in Deum, licet non actum.* Non potest ergo revocari in dubium, nostram conclusionem esse de mente D. Thomæ; unde ut ejus doctrinam à Recentiorum impugnationibus vindicemus, oportet explicare verum ejus sensum, seu declarare in quo modus prædictæ relationis habitualis constat.

71. Prima explicatio, seu primus dicendi modus est, etenim peccatum veniale in homine iusto referri habitualiter ad Deum, quatenus non destruit habitum charitatis, qui ex natura sua est efficax ad referendum omnia in Deum, etiam peccatum veniale, si esset in ipsum referibile: *D* unde quod de facto illud in Deum non referat, non est ex defectu charitatis, sed ex eo quod tale peccatum est incapax hujus relationis. Ita Cajetanus 2. 2. qu. 2. 4. art. 10. §. *Ad hoc dicitur, ubi postquam exposuit, quid sit actus & virtute amare aut intendere, subdit: Amare autem habitu nec actualem relationem, nec precedentem intentionem perseverantem ponit, sed solum habitus concomitantiam & efficaciam, quam unum est ex parte habitus importat: ita quod sicut nihil aliud est dicere, amat habitu Deum, quam dicere, habet habitum quo Deus amari possit; ita nihil aliud est dicere, amat hoc habitu propter Deum, quam habere habitum quo propter Deum hoc amari potest.* Et per hoc patet, quod non oportet amantem habitu hoc propter Deum, ordinare illud intentione habituali in ipsum, ut prima objectio supponebat: & similiter non oportet hoc esse amabile propter Deum, quia intelligitur amare hoc habitu propter Deum, quantum est ex parte habitus. hoc est, quantum est ex efficacia & natura habitus, quem homo in charitate existens habet, amare potest hoc propter Deum, quamvis alter sit ex parte amabilis, quia non est referibile in Deum: & per hoc cessat secunda objectio.

72. Doctrinam hanc Cajetani approbant Suarez tract. de ultimo fine disp. 2. scđt. 4. num. 2. &

A Vazquez ibidem disp. 5. cap. 2. ubi de hac Cajetani interpretatione loquens, ait: *Ego quidem existimo doctrinam hanc veram esse, & nihil aliud melius dici posse pro interpretatione D. Thome.*

Secunda expolitio, seu secundus dicendi modus est Medinæ, Aluaris, & Aliorum, qui existimant peccatum veniale in homine iusto idcirco referri habitualiter in Deum, quia referunt ad ipsum qui peccat, seu ad proprium ejus bonum, quod in iusto per habitum charitatis est habitualiter relatum in Deum. Quæ explicatio displaceat Suati, Curieli, & alii: *Quia (inquit) ut primum medium referatur in finem, mediante secundo, quod est finis primi, necesse est quod secundum medium, quod est finis primi, quatenus terminat habitudinem primi, ordinetur in finem: At bonum proprium ejus qui peccat venialiter, non referunt, nec potest referri ad Deum, sub ea ratione quâ est terminus peccati venialis, cum tale peccatum non sit in Deum referibile: Ergo peccatum veniale non potest dici referri in Deum, ex eo quod referatur ad bonum proprium ipsius peccantis, quod in Deum per habitum charitatis referibile est.*

Sed hæc instantia & ratiocinatio levis & frivola est: facile enim respondetur Majorem esse veram de primis illis mediis, que mediante secundo in finem formaliter aut virtualiter ordinantur; secùs autem de illis quæ solum habitualiter in ipsum referuntur; nam minus requiritur ad ordinatiōnē habitualē, quā ad actualem, aut virtualē: si autem secundum medium, sub ea ratione quā terminat habitudinem primi, referretur in finem, primum non solum habitualiter, sed etiam virtualiter in illum referetur, quia ordinatio primi maneret virtualiter saltem in secundo, sub ea ratione quā istud referatur in finem.

Tertia explicatio, seu tertius modus dicendi, 73 est Salmanticensium supra in tract. de fine ultimo disp. 4. dubio 4. §. 2. ubi docent peccata venialia hominis iusti referri in Deum habitualiter, non directè, quasi sicut propter ipsum, sed indirectè & quasi permissive, quia est in potestate charitatis prohibere illa ne sicut, & de facto prohibetur, si ejus fini adversarentur, quæ potestas est quidam modus relationis & dominij indirecti: qui enim haberet potestatem impediri alicui ne fiat, quamvis de facto non impediatur, censetur habere dominium supra illud, potestque aucto rale dominium exercere, non movendo aut imperando ut fiat, sed prohibendo ne fiat, & imperando ejus omissionem.

Dices: Ex hac doctrina & explicacione sequitur, justum non solum peccata venialia, sed etiam mortalia referre habitualiter in Deum per charitatem; cum charitas non solum peccatorum venialium, sed etiam mortalium omissionem imperare possit, & prohibere ne tam ista quam illa sicut.

Sed negatur sequela: nam ut aliquid denominetur relatum habitualiter in Deum per charitatem, debet ipsi charitati coexistere; si enim ipsi non coexistat, ex defectu materiae capacis denominationis, suspenditur talis denominatio: peccata autem mortalia non coexistunt charitati, sicut venialia; unde licet charitas illa prohibere possit, & eorum omissionem imperare, non possunt dici relata habitualiter in Deum per charitatem, sicut peccata venialia.